

國家圖書館藏歷史檔案文獻叢刊

張文襄公（未刊）電稿

第30冊

全國圖書館文獻縮微復制中心

國家圖書館藏歷史檔案文獻叢刊

張文襄公（未刊）電稿

第 30 冊

全國圖書館文獻縮微複製中心



法京已列法文報中國來電云中自大沽口至天津議造鐵路今已繪圖布置不日即開工矣前報德國三人携有三千五百萬英磅金到華欲承辦鐵路借項等事現聞中國不取其款因德國去年代辦輪船數隻俱不堅固中國已不喜其人云

西貢法文報西正月二十九日

中十二月二十五日

暹羅來電云法兵員陶觀

率兵行至桑鉢對地方時當午後忽遇土匪來侵即行奮勇驅散是日晚上土匪又來劫營該兵員整兵再戰乘勝進攻追至次早寅刻將潑雷葛喇礮臺攻破一座法兵只傷兩名內一名傷頗重云

又云西二月初一日

中十二月二十八日

有法兵員薩楞斯率兵由江邦潑來

十二年正月初一日

斯起隊途遇土匪多人來侵即時鼓勇接戰大獲勝仗該匪盡竄入近處礮臺希圖據守該兵員勵兵圍剿欲盡殲旃不料土匪暗中潰散去矣

貢埠向有白蓮教匪滋事於西一千八百八十二年中曆光緒八年被拏押往波咭岡陶地方罰做苦工現西貢巡撫嗶靜察其均有改過自新之意且被押年久情殊可憫特發示諭准其赦出計華人及安南人共有三十四名云

西法京巴列法文報駐安南法提督孤爾西將軍昨已抵法京矣
安南軍務悉委納葛利愛兵員署理該兵員具有稟函達知兵部
某日接任云

現在暹羅已歸法國保護但暹羅土民風氣頑悍不服化導暹羅
邊界本與西貢毗連去歲大費兵力始能征平當時西貢巡撫
靜曾說云此處民俗如此頑梗恐太平不久今聞該處又復蠢動
各為一股擾亂地方并向西貢境內騷擾時來時去百姓驚惶西
貢巡撫靜已檄白藤將軍駐紮鉢咾地方統制全軍專事剿辦
日前法公司運糧兵船載有法兵數百名交該將軍調用矣諒此
小醜跳梁不日即可驅除也

聞東京孤爾西將軍已回法京現委兵員華爾蓋署理東京軍務
所有中法分界事均開辦起劃矣

德國京都日報云日本暹羅向不知驛務之要亦如今日中國
辦法任外國人在本國地方設驛務局收驛務各費惟前數年
日本則設驛務局今暹羅亦效之蓋萬國驛務定法如萬國公
法其本國已立有驛務局則外國不得在其國中復設驛務局
雖在租界亦且不能只可互將各件彙存彼此換寄我中國亦
應做此實有裨益也至德國銀每馬合中國通用銀約一錢八
分七厘之譜



中國索地 初二日英京發來電音言中朝現因英國之攻有緬甸也特向其索取巴毫一城並附近疆土直至士威喇河而止目下此事經中英兩國在倫敦商議按緬甸向貢中邦素稱藩服今中朝祇索一城想英國必當允從免失與國之歡矣



香港得厘忌刺付西報云中朝在德國士的甸埠船廠定造之
鉄甲戰船二艘其第一艘准於華歷十二月初十日進水聞駐
德京大清使署官員特赴士的甸閱看該船進水如何云

光緒十二年正月初晉



香港孖刺西報云聞本港接到北京來電稱說於烟台條約另加一欸抽收鴉片烟稅者殊令洋葯商大為驚異本館未能抄錄此電因通商會館董事等現當商議此事之故料此電報有些差誤或當電詢明白惟本館已探得該電之大意乃將現時每箱抽稅厘銀一百一十兩改為抽收三百兩也

法京巴列法文報昨閱英京報章言駐英華欽使曾小侯在英廷
共議緬甸之事據云不獨近雲南邊界之白木地方宜歸中國并
沿邊交錯處諸多境土亦須交與中國等由侃侃而談其氣甚壯
但英人心謀緬甸已久今欲其多讓地方未知肯從議否也俟有
確耗再為續登



頃聞東京來信得悉法元戎高些徑於西歷正月十六號奉兵部
電音飭令將該元戎缺交卸以和溺元戎接管後又接到電音調
和溺回京而東京元戎一缺卽以管帶第二隊兵官呢革禮也接
著當高些元戎交卸之時出示曉諭眾兵謂其能受約束寔堪嘉
尚今本元戎卸事回國爾等務宜恪遵新帥訓練以期立功報國
等語法人志在東京依依不舍特未知日沒如何結局耳

滬報譯德國某日報載法人某致李傅相一書論英人佔取緬甸
之害切宜設法阻止洋洋數千言茲撮譯其大旨云英人之於取
緬甸其素實在雲南西道他日有害貴國較我法人由北圻直達
雲南更為重大且大理府回民眾多屢思為亂苟一旦回民皈伏